


# SENA ULA SYOMA OBU?

 Elyo katu tana komba, Ndi yanda kwaamba eci, kuti mangolezya akainda, Nda syoma mbwa kabede, Nda kaambila mulindu kuteeti, “Ikuti na uyo cita buyo mbuli mbo tulaililidwe kucita, kuti ciyo. . . muvwanda uujisi bulwazi bwa maanzi mu mutwe, uyo pompoloka.” Elyo mutwe wa muvwanda wakapompoloka, masiku akainda, cisela ca inchi ku kweeleka kwa katambo. Aboobo mulindu wakaleta kuno lino.

<sup>2</sup> Lino, kaambo nce Nda kacitila ceeco, mucizi, nkuu bukanze. Mwabona? Ikuti na wakonzya kubona cintucimwi cini cacitika, eco ciyobamba lusyomo lwako kuvula kuzumanana ku cisyoma. Ziindizimwi Nda cita obo buyo ku, ambweni, mbuli kwaambila muntu ku nyamuka, kubamba ntaamu na zyobilo, kupusya kwaanza kwako, kuzungulusya munwe wako, cintucimwi buyo eco nco banga ba cita bwandeene, kubalekela buyo kubona kuti coonse cili kabotu. Bala libilika buyo akuyeeya kuti tacika citiki, pele cila citika ciindi coonse. Mwabona? Ci leelede kucitika.

<sup>3</sup> Mbangaye bayanda kuyeeyegwa mu mupailo, lino? Sena inga mwatambika maanza anu a kwaamba, “Mwami, ko cipa”? Atu kotamike mitwe yesu.

<sup>4</sup> Mwami, mbuli mbo tumvwa ciimbo eci cakaindi cilemu ca mbungano, ca kalembwa a mweenzuma muyandisi, Paul Rader, “Kosyoma Buyo,” tuli mu kuyeeya lino mulombe, waka letwa aa bawisi kuli basikwiiya, mazuba buyo ali kkumi amane Jesu naka bapa nguzu zya kutanda madaimona a kuponya balwazi, elyo mpaawa bakazundwa cakumaninina ku bulwazi bwa kasuntu. Elyo bakabona Mwami wesu kaboola. Elyo bawisi baka zuza a kuteeti, “Mwami, kotufwida luse. I mwana wangu ulapenzegwa bwandeene ku daimona. Nda kamuleta kuli basikwiiya Bako elyo tiiba kakonzya ku muponya.”

<sup>5</sup> Jesu wa kati, “Ndila konzuya, ikuti na ula syoma. Kosyoma buyo.” O Leza, Tonacinca nokuceya kuzwa ku matalikilo: Nduwe Leza mbubonya silubomba, mubotu, a waluyando. Mbubonya Mbo kabede kaindi, Mbo bedede asunu. Elyo Mwami, mbuli taata ulya, toonse tula lila, “Mwami, Ko gwasya kutasyoma kwesu.” Nci tete loko; tu lebwa buyo kuli ncico, Taata.

<sup>6</sup> Tu yanda ku Kupa kulumba a kulumbaizya nkambo ka kuguma muvwanda ulya muniini masiku ainda, kubona kuti ako ka poompo ako kamutwe, kakazimbide, nko kuti, cifuwa cakafuta, caka pompoloka cisela ca inchi masiku ainda. Tuli lumbide nkambo ka ceeco, Taata. Cindi notuzi kuti madokotela esu taakwe nca jisi mu kuvuntauzya kuli nkuko, taakwe cintu eco nco bakonzya kucita nkambo ka nkuko; pele Yebo ucili Leza, i Mweendelezi wa ziimo zyoonse. Tula Ku lumba, Taata. Tula

Ku lumba nkambo ka busyomesi bwa banyina aba, a bubotu, a kuswiilila kujosya katambo aku kabikka awa aa cibeela capepa eci, kuno, ku tondeezya ku buleya bumboni bwakwe nkambo ka bulemu bwa Leza. Akube kuti kana kakwe kapone a kuba mwana uukkwene, nkambo ka bulemu Bwako.

<sup>7</sup> Langa ku maanza oonse ayo atambika, Taata. Umwi aumwi wabo wajisi kubula. Lyangu mujulu, alyalo, Taata, Ndi jisi kubula. Elyo mbaaba banji awa, mu ciimo ca lugwalo naa mu bbokesi eli, abo babulide loko, bantu babulide kwini loko. Kolekela kuti cicitike, Mwami, kuti aumwi uyo tambula kulomba kwakwe busiku obu. Akube kuti babweze obu bumboni bwa mutumbu oyu alimwi buyo kuba mukozyanyo wa kutondezya kuti cindi Wa amba cintu cili coonse, kwamana. Cili . . . Yebo . . . Koonse nko tweelede kucita nku citambula a kucicita. Walo mulimo umanide.

<sup>8</sup> Kopa, Mwami, kuti oonse magwalo aya a tusani otu, bantu abo mpo tuyo bikkwa, akube kuti baka ponesegwe. Boonse batambikide maanza abo, Taata, bakatambule kuyandisya kwa myoyo yabo. Twa cilomba, mu Zina lya Jesu. Ameni. Inga mwa kkala.

<sup>9</sup> Ndali kuyanda buyo ku mutondezya katambo awa, kuti mulindu (Nkaaka we. Um-hum.) . . . kuti mutwe wa muvwanda muniini wakapompoloka mbuli Mwami mbwa ka tu syomezya kwiinda ku Muuya Uusalala busiku bwainda. Sena Tali mubotu loko? Aboobo, kotupa camba cinji loko kuba a lusyomo a kusyoma.

<sup>10</sup> Lino, cindi Jesu nakaamba ku musamu ulya, muli Marko 11:23, "Taakwe muntu uyoolya kuzwa kuli nduwe kuzwa lino," Ambweni ta koongolola buya. Baa mbuli, mukasimpe, Wa kali likwaide maningi kujatikizya neico, kusikila basikwiya Bakwe buyo . . . Ndi yeeya kuti umwi wabo waka Mu mvwa. Elyo calo . . . Cindi sikasuntu oyo, cindi nakaboola kumbele lya Mwami Jesu, mulombe wakaba a kusuntuka kupati nkwaata kalina citikilwa; ambweni, wakawida ansi mbuli kuti wakali fwide, pele wa kamvwisya kuti wakaswaana Umwi Oyo waka jisi lusyomo lusakene kwiinda lwa baapostolo abo.

<sup>11</sup> Lino, Ndi yanda muntuumwi watakali kusyoma mu kuponesegwa kwa Buleza kulangilila ceeci. Jesu wa kali bapede nguzu zya kutanzia myuuya, elyo baka kakilwa. Ta zili nguzu zyaka kakilwa, pele baka kakilwa. Jesu waka baambila:

"Nkaambonzi tiitwa kakonzya kuutanda?"

Wa kati, "Nkaambo kakutasyoma kwanu."

<sup>12</sup> Mbungano icijisi ngunzu. Leza taakwe Na kagusya nguzu kuzwaku mbungano, pele mbungano taijisi lusyomo lukubwene lwa kubeleka ku cicita. Kwamana. Ncitetete buyo. Tu sola kucibamba kutamvugwa kabotu loko ziindizimwi, pele ikunji mubuteteete maningi nkobamba Makani mabotu, nkunji

kasimpe nkoyo tambula, cindi waba buyo mubutete ncobeni a ngawo: Leza wakaamba boobo; eco nco cicibamba; alimwi kwamana. Elyo ko cisyoma buyo, koya ambele.

<sup>13</sup> Cindi Jesu nakati, “Taakwe muntu uyoolya kuzwa kuli nduwe,” baa, matu akacili mabotu a kumweka buyo mbuli mbwa kabede lyoonse. I cikwa cakali kuboneka mbubonya, pele kungsi kwini kwanyika mu miyanda ilya, buumi bwakatalika kupooloka.

<sup>14</sup> Aboobo mbubonya mbokubede ku ikkulenge, a musyobo uli oonse wa bulwazi oyo—oyo ngonga wayanda kuyeeya. Cindi wakonzya kuzumina Ijwi lya Leza, kungsi kwini mu miyanda, ikkulenge inga kalilimo; janza lyako inga kalili liyumu buyo. Eco taci jisi cintu cili coonse caku cita a kuponesegwa kwa Buleza. Nkuti, “Na ula konzya kusyoma.” Mwabona? Kungsi kwini kubusena bumwi, cabelekwa kale.

<sup>15</sup> Jesu wakati, “Ikuti na waambila dundu eli, ‘Ko zyuka,’ elyo kotazumbauzyi mu moyo wako, pele wasyoma kuti eco nco waamba ciyo citika, inga watambula eco nco aamba.” Sena eco tacili cibotu? Nkuuli ni nkwaakazwida ayo? I Mwana wa Leza, Nguuli a Majwi ayo. . . Majulu a nyika ayo loba, pele lino. . . pele Majwi Aakwe taka konzyi.

<sup>16</sup> Lino, inzila buyo njo konzya kucita eco, weelede kuba a bukanze bululeme a kaambo kaluleme. Lino, ikuti na Nda unka anze awa a kwaamba, “Ndiyo mutondezya kuti inga Nda zyula dundu eli, ‘Kozyuka, dundu.’” Inga tiilya zyuka. Nee ncobeni. Takukwe makani eco Nce kajisi. Ci leelede kuba. . . Kusaanguna weelede kuziba luyando lwa Leza.

<sup>17</sup> Ako nkekaambo, kanji mu mindando ya mipailo, Ndi—Ndi jana buyumuyumu maningi, nku kaambo kakuti ncintucimwi cabuyumuyumu mu mindando azimwi zimbi, oko nkomu cijana alimwi. Pele amubone, kuti na mujisi cibi citana ambwa. . . Sena kuli nomwa kasola kubona a kaambo, ka Ndi tana kulailila muuya mubi kuti uzwe? Nda langilila kaambo ako ncobeni kuba masimpe kuti taakwe cintu mu buumi obo cinga casinkila cintu cili coonse, mwabona, nkaambo amuyeeye, aa zipego ezi, inga wanjila mu penzi a nzizyo.

<sup>18</sup> Leza, mula yeeya ciindi cimwi, wa kapa musinsimi. . . waka bamba muntu kuba musinsimi, Musa, a ku mwaambila kuselemuka, kwaambila mwaala. Elyo musinsimi wa kavundumuka cakumaninina, a kwiinka kubusena, a kuuma mwaala, kwaamba ku bumboni bwa Kristo, kuti We elede ku yoofwa ziindi zyobile na kuumwa ziindi zyobile. Wa kali jisi nguzu zyakucileta, pele tiilwa kali luyando lwa Leza.

<sup>19</sup> Nse kakonzya kusyoma kuti olo lwakali luyando lwa Leza kuli Elisya kucenguluka, kucitya twana twakali ku museka kumakani akuba alubala aa mutwe, Ta ndiyeeyi kuti wa keelede kucita eco. Pele wa kali musinsimi, elyo wa kanyemesegwa buyo,

alimwi wa kabikka lutuko aa twana oto a bamasekese bobile bazyazi bakajaya twana tuniini tutakwe bubi tuli makumi one a tubili. Mwabona? Pele Ta ndisyomi kuti wa keelede kucita eco. Elyo caka buyo—buyo . . . swebo . . .

<sup>20</sup> Leza, Nda syoma sunu, Ka tana bikka mbungano Yakwe mu nguzu, Ula isoleka mbungano Yakwe kubona nco ikonzya kucita.

<sup>21</sup> Swebo . . . ciindi ciboola, ndiza, ikuti na Mwami wayanda cindi Nda joka, tu yooba a ciindi caku kkala a cintucimwi mbuli eco, a cintucimwi citandila kucitika, alimwi mpawo tuyo ziba kunji kujatikizya ncico mpawo.

<sup>22</sup> Pele kuti na uyo aamba buyo ijwi, kuti, “Mwami, Nda cisyoma,” uta zumbauzyi, kocisinizya mu moyo wako . . .

<sup>23</sup> Lino, kwaamba kupa mukozyanyo, Nda kali mu kkuti, elyo Nse . . . Ndi kambaukila mamiloni aa bantu, pele kutala buyo a dundu okuya, kuli nkamu ya bantu ya mwaanda omwe, alimwi bali mukufwa kakutakwe kuziba Kristo. Ee, Ndi jisi bali milioni okuno bakukambaukila, pele nekuba, Cintucimwi mu moyo wangu cila ndaambila, “Koya kutala ku bantu abo. Kosika kuli mbabo. Bali mu kunyonyooka.” Ta ndiyandi kuunka nde mwini, pele nekubaboobo kuli Cintucimwi muli ndime. Mwabona, oyo ngu Leza nkokuti, uubeleka. Amubone bukanze mbobubede, amubone kaambo kakuunkila, kutali ka kuliyanda . . . Lino, ikuti na Nda amba, “Ee . . .” Ikuti na bukanze bwangu buliluleme kuya kokuya, pele mpawo Nda sika okuno nkabela ndeeli dundu pati, Nda amba, “Nywebo mulizi, ikuti na Nda konzya kusika ku dundu eelyo a kuvuna bantu abo boonse bali mwaanda, buzubabumwi bayooba a cibumbwa caciibalusyo okuya: Mukwesu Branham, missionari mupati.” Lino, kaambo kangu takaluzi. I dundu tali kawi. Peepe, munene.

<sup>24</sup> Pele ciindi kaambo a bukanze bwangu noziluleme, a Leza mu moyo wangu ula ndisololela, elyo Nse konzyi kusika a dundu, kuzungulukuka dundu, kungsi lya dundu, inga Nda amba, “Dundu, kozyuka.” Ambweni lyalo . . . Cindi Nda amba ceeco, elyo Nda caamba buyo a musyobo oyo wa muuya ululeme, kusololelwa kwa Muuya Uusalala, mu luyando lwa Leza, antela inga tiikwaba pele kusyoonto komwe kwa dundu elyo kulalokela ansi, pele lili mu lweendo lwalyo. I buzuba butobela ndiza inga kwaba mapaundi obile aawa. I buzuba butobela ikkota ya taani. Elyo ambweni mu mweezi, mataani osanwe alabobela. Ncinzi ca ncico? Inga kwaba kuti tona cibwene nekuba, pele lileenda, mu lweendo lwalyo. Ndiyo kkala mpoonya aalya a kulangilila cintu kacicitwa, nkaambo Leza wa kaamba boobo alimwi eco buyo cila cibamba.

<sup>25</sup> Sena inga wa yeeya eco kujatikizya banyoko okuya sunumasiku? Cili kabotu, ikuti na uyo ciyeeya, bayooba kabotu. Cili kabotu. Eco nkuti na wacisyoma buyo: koamba buyo ijwi a

kukkala a ndilyo. Mwabona? Koli syoma buyo; kojatilila kapati kuli ndilyo. Bwalo Mbuumi Butamani.

<sup>26</sup> Lino, juunza sikati. . . Nda ambila Billy, sunumasiku, kusotoka buyo zya makkaadi aa mipailo, alimwi Ndali kuyanda kwaambaula. Ndili muku lyaambilila, mu bwini, Nda kali kweenda kuzwa mu Mukazimaziba, ku masi amwi, a kujoka, mu Phoenix, nkoonya ku ng'anda, a kujoka, akoonse kumaninina (oko kutweluka) mane Nda kompama loko cakuti Nda kakilwa kuziba awo Mpe imvwi mu ziindi. Kutandila buyo kundipa kudekela kapati.

<sup>27</sup> Elyo mpawo, Nde elede kuzwa, elyo balo. . . nywebo—nywebo bakwesu mwaka nditamba kuzolala kwa mazuba ambi. Obo Mbwe ndilumba eco. Nda yeeya masimpe kuti eyi ni nkamu mbotu ya bakutausi kuno. Nda yeeyela nitwa konzya ikuba aciindi ciniini cimbi ca luswaanano. Ikuti Mwami wayanda, Ndiyo joka ciindi cimbi. Kwiina cintu cimbi, kuzwa buyo ku mbungano imwi kuya kuli imbi a kumaniniza koonse kwiindamu dolopo aku muswaya nyoonse. Inga nda kkomana kucita ceeco: kufumbwa cintu eco Nce konzya kucita kugwasya Bwami bwa Leza, oko nkuti, ikuti na inga mwayanda kuti ndicicite. Elyo akuyo joka ciindi cimbi a kusangana a ndiswe akuba amuswaangano mubotu, ubotezya kubusenabumwi.

<sup>28</sup> Elyo amuyeeye, bakwesu, Ndi nomupailila. Eco nce cintu comwe ca masimpe. Elyo Ndi yanda nyoonse ku ndi kombela, oonse wanu.

<sup>29</sup> Elyo lino Ndi—Ndili. . . Juunza cifumo nkuswaangana kwa mbungano mu mabungano oonse aya mabotu aindene ku dolopo lyoonse.

<sup>30</sup> Lino, zimwi inkamu zya ku Jeffersonville zili kokuno. Bamwi beenzuma, umwi wa basyomesi bangu bamu mbungano, nkwali okuno, Mukwesu Fred Sothmann. Taakwe ni Nda konzya ku mubona mu muswaangano. Elyo mukwesu. . . Oh, bunji bwa bamwi beenzuma bazwa kutala kuya ku Jeffersonville, wangu ugaminina-. . . mulembi wangu kuya a—a boonse bali kokuno, kubusenabumwi mu muswaangano. Nsena babona.

<sup>31</sup> Elyo bakwesu, kuli mabungano mabotu kuno mu dolopo eli. Elyo nyoonse nobamwi beenzu, amujane amwi aa ngawo akuunka ku mabungano aya juunza. Ziyu mugwasya, Ndili masimpe. Mbakwesu abo basyoma mu musyobo oyu wa mulimo. Ako nkekaambo bali waano kabakkede aa cibumbili alimwi ansi mu masena aya, nkaambo bala syoma muli nguwo. Elyo Ndila balumba balombwana abaya.

<sup>32</sup> Mwami, leleka intabi eyi ya nkamu ya Basimilimo iya Makani mabotu Aazwide abo—abo baka gwasilizya muswaangano oyu. Kuli. . . Nda syoma eco cakali kabotu, abo bakagwasilizya muswaangano. Ndi—Ndi jisi basikugwasilizya babo banji, nkaambo omuya. . . Tii twa elede kuba mu nzila

eyi, pele ziindi zinji, bakwesu balekela kwiimpana kuniini: mbuli muntu kusyoma *cintucimwi* ciniini; acimwi, *cintucimwi* ciniini; cibaanga cibamba kucumbana kuniini a zilonda zikulukulu zyakaindi loko; ceelede kuti kaziponede ciindi cino, pele ci—ci . . . Elyo ikuti na nywebo, na, ikuti na Nda jana Basimilimo ba Makani mabotu Aazwide, mpawo eco cibaanga cigwasya kucaanga antoomwe, elyo tuba atoomwe, alimwi tuba akuswaangana kwa kusinizya antoomwe, ziindi zibotu buyo zipati. Elyo tula lumba eco. Leza leleka ntabi eyo. Nda syoma Mwami wa kaibusya ku makanze.

<sup>33</sup> Lino . . . elyo mpawo Nda kajisi coolwe cibotu ca kubona busena bwa Mukwesu Oral Roberts buzuba bumwi. Elyo ma, busena bupati kapati boobu, cintu cibotu boobu. Nci—nci ibalusyo ku Pentekoste.

<sup>34</sup> Mpawo Nda kainka kubusena bwa Mukwesu Tommy Osborn, busena bumbi bubotu, muntu wa Leza mubotu, oyo . . . Mukwesu Tommy a Ndime tuli buyo muni, a Mukwesu Oral, awalo, babunyina bamunsi buyo kwini, elyo tula yandana umwi aumwi, a kusola kweelede kwini kwesu kubeleka zintu zyoonse nzyo tu konzya nkambo ka lugwasyo lwa bantu mu Bwami bwa Leza.

<sup>35</sup> Aboobo ncobeni Nda balumba balombwana abo mukuba okuno mu dolopo eli akati ka baaba bamwi balombwana babotu mbo mujisi. Nywebo no mbelele mujisi beembeli babotu. Nda buyo, Ndiyo caamba mbuli boobu. Akube kuti Mwami azumanane kuba a ndinywe nyoonse ngo mupailo wangu. Elyo lino juunza sikati, Ndi . . . Ino kuswaangana kutalika ciindi nzi, bakwesu? Tuu—theeti. Atwaambe wani—wani na wani—theeti mweelede kuba kokuno kutegwa bata kanyongani akumbi kuswaangana.

<sup>36</sup> Lino, ikuti na balombe tabana mwaambila, sunumasiku bajisi mabbuku amwi, azifwanikiso azintu zimwi, ama teepu, a marekordi, a . . . zya miswaangano, elyo bala zisambala. Pele tatuka balekeli kusambala mu Nsabata, juunza. Taakwe mabbuku naanka taakwe cintu ceelede kusambalwa juunza. Aboobo tatu . . . kunyina nitwa kazumizya eco. Nekubakuti banji ba kati, “Uli lubizizye loko . . .”

<sup>37</sup> Elyo Bosworth Taata mudaala wakali kunga ula ndaambila, “Oh, Mukwesu Branham, ulilubide awo,” pele njenzila mbe Ndili mvwa (Mwabona?), alimwi Ndali—Ndali mvwa. Na uyanda lyomwe, bala kupa lyomwe, pele kuti yebo . . . Pele tatu konzyi kusambala mu—mu Nsabata. Peepe. Kwa mana. Ikuti na Nda syoma eco, Nde elede kucipona, buyo . . . Nde elede kuzuminina mbwebede. Nywebo mwabona? Elyo Nde—Nde elede kuzuminina akulamwa kwangu elyo aboobo . . . Na inga watumina ku muunzi, elyo, kutala ku ng’anda, kutala ku busena a kuyo lyuula.

38 Lino sunumasiku, oh, toonse atu lube buyo obo, oh, kuti kuli mulimo weelede kucitwa, na kufumbwa cintucimbi, na kufwabalika kwa buzuba. Atu bikke ambali zintuzyonse, a kulanga mu Ijwi kwa maminiti masyoonto, a kubona eco Leza ncayo waamba kuli ndiswe kwiinda mu Ijwi Lyakwe. Elyo akube kuti Ndi lombe kuteeti Leza uyo tupa zilongezyo zipati maningi sunumasiku.

39 Gene, sena inga wakonzya ku ndisisila nguwe? Sena inga wa ndisisila kasimbi ako kaniini? Sena tali cintu ciniini cibotu? Sa ula yanda kuunka ku ng'anda andime a kuyosobana a Sarah wangu muniini, utandila kulampa *boobu*? Oh, sa inga wacita? Ndi—Ndi yanda nduwe kucita. Uuta ndila buyo kuba musela wako, alimwi nkasimbi ka Taata. Um-hum. Hum. Elyo Nda bbeja yebo—yebo ula yanda Taata awalo, tociti na? Baama? Oh, ncobeni ula cita. Kasimbi kabotu loko, Ndili kkede awa, nkelangide. Meso maniini aboneka mbuli kuti ntupulo tobile twa kapya mu ngubo a—a masusu maniini asalaluka.

40 Ndila botelwa ncobeni twana tuniini. Ndi jisi basimbi bobile ku ng'anda. Umwi wabo ngu Rebekah alimwi umwi ngu Sarah.

41 Okuno ciindi cimwi, Tii ndakaliko. Twalo tobile ntusimbi twa Taata, nywebo mulizi, alimwi Ndila tu yanda. Elyo kufumbwa biyo Nda njila mubusena Nde elede kuba bbala, a... Becky buyo nguya bukomenesya maningi kuli ncico; walo mupati mbuli Ndime. Inga wa tyola musana wangu lino; walo... pele ucili kasimbi ka Taata, nekuba. Elyo lino, kutandila ku mwaka umbi, tu yanda kumunjizya mu cikolo ca Bbaibbele kubusena bumwi kule kuzwa ku cikolo cabuleya.

42 Elyo mpawo, bakali kulindila Taata, nywebo mulizi, kuboala ku muunzi. Nda kali kumwi ku muswaangano. Elyo juunza masiku bano lindila ndime mane akatikamasiku kusola kunjila mubusena. Elyo aboobo, Nda kanjila cifumo loko, kutandila thrii na foo okuloko. Elyo banyina baka boola ku mulyango kuzo ndijulila kuti ndinjile, alimwi Nda kali katete akudekela loko, Nda... Awa a cibumbili, Nda... cindi i... nanikidwe cindipa kulimvwa kabotu, pele kufumbwa buyo obo bwakusiya, ndendilyo no njila mupenzi. Mbangaye bakasola kuziba eco? Baa, mbocibede ncobeni.

43 Amulange. Eliya wakatanta atala aa mulundu nkabela wa kaita mulilo kuzwa ku julu, kwiita mvula kuzwa ku julu, elyo mpawo Muuya nowaka musiya, wakaingaila mu nkanda kwa mazuba aali makumi one elyo Leza waka mujana, kamusomweda mu mpangala mubusena bumwi.

44 Jona, wakainka kunselelo a kukkala kali muumi mwida lya nswi kwa mazuba a masiku otatwe, wa kalukilwa atala aa nkomwe akwiinka koonse kakambauka. Muunzi woonse wa keempwa a kuboala kuli Leza. Elyo cindi bunanike nobwa

kamusiya, wakainka aatala aa cilundu a kulomba Leza kuti amu jaye. Mwabona?

<sup>45</sup> Nda kaima kumbali lya cuumbwe ca William Cowper, kutali ciindi cilamfu cakainda, oyo wa kalemba lwiimbo luzizilwe loko olo ndotu belesya mu mulimo wesu wa mulalilo:

Kuli Kasensa kazwide Bulowa,  
Kazwa kunsinga zya Imanuele,  
Okoko basizibi nko badumpukila kungsi  
azambangulwe. . .

<sup>46</sup> Sena mwakasola kumvwa eco. . .cakacitika kuli nguwe? Ciindi bunanike nibwaka musiya kuzwa kuli ceeco, wa kasola kujana mulonga kuti alijaye.

<sup>47</sup> Ndi kkala nkukonya kutala kuzwa ku Muunzi wa Kentucky Wakaindi. Elyo Stephen Foster wakapa America inyimbo zyantantu zizizilwe maningi. Elyo cindi nakali kulemba, waka kwempa bunanike, obo bunanike, bwakalemba nyimbo, mpawo cindi naakazwa kuli mbubo, wakainka kuyoonywa a kukolwa. Kumamanino, wakaita muzike akubweza mbeli a kulijaya.

<sup>48</sup> Bantu tabazi eco bantu abo bapona mu cilawo eco cakumuuya buyumuyumu bubacitikila. Lino *awa*, ulimvwa kuti inga ulakonzya kuzyula dundu. Pele lekela bunanike bukusiye, a kutalika kwiinda ku mulyango oyo (ikuti muntu umwi na tako kuya wakukujata, mwabona) elyo mpawo, ndiza kwa maora masyoonto, tokonzyi, kuziba mpobede. Elyo mpawo masiku a masiku, eco cibweza bubotu bwiinda bwako.

<sup>49</sup> Elyo muniini. . .Kuyanda ku mwaambila kujatikizya Sarah a Rebekah baniini. Aboobo cifumo cakatobela, Nsi ndakakonzya koono, elyo Nda kali kunga ndabuka, ndakali kkede mu cuuno, kumane kaindi kaniini Becky, mukuba kuti ngo mupati kwiinda, waa ka—kajisi mauu malamfu kwiinda aa Sarah, elyo aboobo Becky wakasika kazuzaana. . . wa buka, kusotoka kuzwa aa bulo, kata mubusyi mucizi wakwe muniini, elyo ngooyo wakaboola kwiinda mu ng'anda, kazuzaana canguzu mbuli mbwakali kukonzya. Waa kali kwaamba, “Taata, Taata. . .” Nda ka dandula kumwi kwa mauu aangu, elyo waa kasotokela atala aawo, mububotu waka sitikide kabotu loko. Musyobo ubaanga ni—ni mbungano ya sunu, nywebo mulizi, yakali mu mulimo kwa ciindi cilamfu, nywebo mulizi, kwa myaanda ya myaka iikubwene. Waa kali kukonzya kulisitikizya kabotu loko, wa kabikka maanza akwe ali ndime a kwaamba, “Oh, Taata wangu, Taata wangu. . .”

<sup>50</sup> Elyo Sarah muniini waka jisi, mu kupupila, waa buka. Ee, Nse zyi na bana banu nanka balacita, naa pe; bangu balacita: I muniini kapati ula ndibatamika a kubamba muzeezo. Elyo Sarah wakasamide pajama ya Becky, matende aa tandila kulampa loko obu, nywebo mulizi. Elyo ngooyo waa kaboola, muntu mufwaafwi muniini, kawa, kalifumpula. Elyo waa



kasika kuya, kamuka aasyoonto. Aboobo Becky wa kacebuka, kaamba, “Sarah, mucizi wangu, Ndi yanda ku kwaambila cintucimwi.” Waa kati, “Ndali waano lutaanzi. Elyo Ndi jisi bweendelezi endikke. Aboobo Ndi jisi Taata oonse nkabela taakwe kusyalilidwe nduwe.”

<sup>51</sup> Eyo njenzila bantu bamwi mbo basola kuyeeya kujatikizya bukombi, embo na? Uh-huh. Obo mbombubo.

<sup>52</sup> Elyo Sarah muniini utakweankwaya, wakalosya mulomo wakwe muniini, ameso akwe maniini asiya kaalangide kutala kuli ndime, elyo waa katalika kulila. Elyo Becky waa kayaamikide masaya akwe ali ndime, kandi gwambatila. Ndila muyanda. Elyo Sarah waa katalika ku tantamuka nkaambo Becky wa kajisi Taata oonse. Nda kanantula gondo limwi cakubinda mbuli *boobu* a kulailila kuli nguwe mbuli *boobo*. Oh, waa kakondwa loko cakufwambaana a kuzuza, kusotokela aa gondo lyangu aboobo. . . Taa kaliko kwa ciindi cilamfu a mauulu akwe taka konzya kusika nokuba ku cibuye. Waa kali kubaanga ula dadalika aniini (antela, mbuli Mbwe bede, ku dadalika kuniini buyo, nywebo mulizi), elyo taka. . . taakasika aa cibuye. Taa kali kabungwe kapati, nywebo mulizi, elyo aboobo taa kakonzya kusika ansi aa cibuye ciyumu. Takaliko kwa ciindi cikubwene.

<sup>53</sup> Elyo aboobo, waa kali kubaanga ula dadalika, elyo Nda kabikka maanza angu ali nguwe mbuli *boobu* aku mugwambatila mumsi lyangu, elyo waka balamya meso alya maniini aasiya, akulanga kusule kuli Rebekah. Waa kati, “Rebekah, mucizi wangu,” waa—waa kati, “inga kakali kasimpe kuti ujisi Taata oonse, pele Ndi yanda kuti uzibe cintu comwe: Taata uli ndi jisi koonse.” Aboobo. . .

<sup>54</sup> Nko kuti. . . Mbubonya buyo Ujisi ndime koonse. Inga nketa jisi lwiiyo lwa kubikka zintu zipati cabulondo, pele kufumbwa buyo kuti ka Ndi zyi kuti Uli ndijisi koonse, muku dadalika kwangu, ko Mu lekela buyo agwambatile amaanza oonse, cayoondi bamba kulimvwa kabotu.

<sup>55</sup> Ee, atupe ijwi limbi liniini lya mupailo kuli Nguwe katutana jula Ijwi.

<sup>56</sup> Lino, Taata Wakujulu, tula mvwisya kuti tuli mbuli buyo bana aswebo. Elyo—elyo Ula yanda kuba andiswe, alimwi aku komba andiswe. Elyo mbuli mbotu Ku komba, elyo Ula tu yanda, elyo kotu jatilila mu maboko Aako, alimwi tuma Muuya Wako Uusalala, aku tubamba kuziba kuti Ula pona akuti Uli Taata wesu, tula Ku lumba kapati. Lino, lekela Muuya Uusalala uboole kuli ndiswe sunumasiku. Koyanda moyo umwi aumwi, Mwami. Ko tupa cilongezyo cipya. Tila madosi aamume wa luse ali ndiswe, Taata. Uta langi ku zibi zyesu. Zinji loko. Mwami, kozi lekelela buyo. Kozimwaya, Taata, elyo kotu bikka buyo mu maboko Aako, a—a kuponya malwazi esu, a—a kusalazyza buntu

bwesu, a kwaangulula myuuya yesu, Mwami, kuti tukombe aku lumbaizya Nduwe, tube mbuli twana tuzuzaana kuzunguluka ng'anda, a kuziba buyo kuti Taata uli muku tulangilila. Ko cipa, Mwami.

<sup>57</sup> Lino, taakwe muntu uukonzya ku—ku pandulula Ijwi. Tula mvwisy a eco. Johane wakabona Bbuku mu janza lya lulyo lya Oyo waka kkede aa cuuno cabwami, elyo kwakanyina muntu mu julu, na mu nyika, na kungsi lya nyika oyo wakali kweelela kubweza Bbuku aku lijula, na kunamatula zinamatizyo. Elyo kwa kaboola Kabelele kumbele, ako kakajaigwa kuzwa ku malengelo aa nyika. Elyo Wa kali kweelela. Elyo Wa kabweza Bbuku, aku namatula zinamatizyo, aku jula Bbuku. O Kabelele, boola sunumasiku. Jula Bbuku kuli ndiswe, Taata, mbuli mbo tu lindila kuli Nduwe, nkambo twa cilomba mu Zina lya Jesu, Kabelele ka Leza. Amenii.

<sup>58</sup> Nda sala, sunumasiku, kabalo kaniini ka Lugwalo awa ka mabala otatwe. Pele lutaanzi Ndi yanda kubala cibalo na zyobilo kuzwa mu Musalali Johane, cipati ca 11 kutalikila cibalo ca 23.

*Jesu wakati kuli nguwe, munyoko Wako uyo buka alimwi.*

*Marta wakati kuli nguwe, Ndi lizi. . . uyo buka alimwi mu bubuke ku buzuba bwa mamanino.*

*Jesu wakati kuli nguwe, Ndime bubuke, a. . . buumi: oyo uusyoma muli ndime, nekubakuti wakali fwide, uyo pona:*

*Alimwi kufumbwa oyo upona a kusyoma muli ndime tako yoofwa. Sena ula syoma obu?*

*Waa kati kuli nguwe, Inzya, Mwami: Nda syoma kuti nduwe Kristo, Mwana wa Leza, oyo weelede kuboola mu nyika.*

<sup>59</sup> Elyo ku mubandi Ndi yanda kubelesya mabala aya otatwe: *Sena Ula Syoma Obu?*

<sup>60</sup> Nda kabala kaano ciindi cimwi cakainda. Ndi yeeya kuti kakali kaano kakuyeeyelabuyo. A bunji bwa bakutausi, Nda yeeyela, bakabala bbuku lya Mwii. Ingraham lya—lya *Sibwami Wa Ng'anda Ya Davida*. Ndi bbuku demu. Mbo libede, mbo Ndi yeeya, kuti taliciko kuli basikulipanga. Inga nda liyanda kuba andilyo mu bulembo, kutegwa inga Nda libikka akati ka bantu.

<sup>61</sup> Elyo mukati muya, Nda kali kubala mu bulembo buniini ali oyu Lazaro, alimwi ali Jesu, a Mariya, a Marta, abo, bacizi ba Lazaro. Elyo Nda kali kubala muya oko Jesu nkwaakali kukkala, Nda syoma, a Marta a Mariya. Bakali basimbi ba Hebrayo babotu boonse. Elyo Lazaro wa kali kwiiya na kwiiya kuba mulembi wamu tempele, kupanga magwalo aa milao ya bapaizi.

<sup>62</sup> Elyo Jesu wa kajisi luswaanano lupati, ikapati a Lazaro. Cindi twa bala mu bbuku omo Mwa kaboola ku muunzi

wabo, elyo Marta wakali mulenga aniini ku kuswiilila ku majwi Aakwe, pele wakeelede kubamba cakulya a kubikka aa tafule, pele Mariya waa kakkala aa matende Aakwe. Elyo Jesu wakaamba kuti Mariya wasala zintu zibotu.

<sup>63</sup> Elyo mpawo, twa kaambilwa kuti Lazaro ngo nguwe wa kaleta Jesu kuli Johane, mu kaano ka mabbuku aa Mwii. Ingraham, alimwi. . . a *Sibwami Wa Ng'anda Ya Davida*. Nekubaboobo, oko inga tii kwaba masimpe, Nse zyi, pele ku kaano buyo ka ncico, pele Wa keelede kuti wakali kukkala aa mbabo.

<sup>64</sup> Lino, twali kwiiya eyi iboola, eyi mwiki yakainda, nekuba, kuti Jesu wa kati mu Musalali Johane 5:19, “Mebo. . . I Mwana taakwe ncanga wacita muli Nguwe, pele eco Nca bona Taata kucita: ncacita alakwe Mwana. Taata ula beleka a Mwana ula beleka kusikila lino.” Mwabona? “Eco Nca bona Taata kucita.”

<sup>65</sup> Aboobo kubamba kaano aka kuba ka bwini, Taata, Leza, wakeelede kwaambaula ku Mwana Wakwe, Jesu, a kuti, “Mweenzinyoko, Lazaro, uyoofwa, pele ciyooba ku bubotu, aboobo Wa siya muunzi. Koya, nkaambo ciyo lombwa kuli Nduwe kupailila nguwe, na, ku muponya, elyo—elyo Nse yandi kuti Uka cicite.” Ikuti na muyo langilila kaano mbuli mbo tu yabuya, muyo bona kuti kainka mukuba bwini bwa ceeco. Aboobo, Jesu, kakutakwe kucenjezegwa kuli koonse na cintu kufumbwa, wakazwa mu ng'anda akwiinka kubusenabumwi bumbi, taaka jokela masiku ayo. Elyo Wa kainka ku madolopo aambi. Elyo mponya buyo Jesu nakazwa ku muunzi, mpawo penzi lyaka njila.

<sup>66</sup> Elyo cindi Jesu azwa ku muunzi wako, penzi lili mu mugwagwa walyo. Yeeya buyo, cindi A siya muunzi wako, penzi lili mu nzila. Cindi mwalekela nkamu zyabuleya a zintuzyonse kazibeleka mu mbungano yanu kabotu loko, mbuli Rickenbaker mpati loko ya masilinda ali kkumi acisambomwe, elyo mwa siya Jesu anze lya njiyo, cindi Jesu azwa mu mbungano yanu, penzi lili mu mugwagwa. Iiyi, munene, cindi Jesu asiya kabungwe, kuti bala Mu bikka ambali akuti, “Ee, lino tatu syomi kuti zintu ezi inga zyaba kabotu kasimpe,” elyo mwasala cintucimwi cimbi, penzi lili mu mugwagwa walyo. Amu ciyeeeye buyo eco.

<sup>67</sup> Cindi yeezya kaano ka Mwami Jesu, ako kajanwa mu Bbuku lya Luka. Nywebo mulizi cindi Na kacili buyo mulombe utandila myaka ili kkumi aibili yakukomena, bantu Bakwe baka Mu tola, mbuli ciyanza mbu cakabede a mwaaka, kutala ku pobwe lya Pentekoste. Elyo niba kacili mu muunzi wa Jerusalema ku pobwe akuba aciindi cibotu, tula jana mu Bbaibbele, kuti ba keenda mazuba otatwe kakutakwe Nguwe. Elyo akuti baka yeeya kuti ambweni, bakacibweza kuba cabuyo, kuti Jesu wakali akati ka basimukowa babo. Lino, tatu konzyi kucita ceeco. Cindi nibaka boola kwiinda muli basimukowa babo kubuzya, Ta kaliko.

68 Elyo tatu konzyi kucibweza kuba coolwe, nkaambo buyo kakuti tuli ba Methodisti, Baptisti, Presbyteria, Pentekoste, a ntalisyo zyesu a basikale besu bakali basyomi balemu, tu cibweza buyo, ee, kuba coolwe, kuti Jesu ula ndiswe. Tatu konzyi kucita ceeco. Twe elede kuba mu luswaanano a Nguwe buzuba abuzuba miniti aminiti. Oh, Ndila ciyanda eco.

69 Ndi yanda obo Leza mbwabede lino. Eco bazyali bangu ncibaka jisi, eco basikale bangu nco baka jisi, ncibotu, pele (Eco nco baka jisi ncibotu.) Ndi yeeya kuti tuli kulaale kutala lya mugwagwa.

70 Atu bone kuti mbuti Mbwa bedede sunu. Nse yandi kulanga musule a kubona eco Ba. Moody ncoba kacita, nkaambo tuli kulaale kutala lya mugwagwa kwiinda Ba. Moody. I penzi lya mabungano esu: tu langa musule akuti, “Ee, atu bone eco Ba. John Wesley ncoba kaamba, eco bamwi ncoba kaamba.” Ako nkekaambo sayaansi ilisakene kapati mu milimo yabo, kwiinda bukombi muli bwawo.

71 Kuno myaka ili myaanda yotatwe, yakainda silwiiyo lwa sayaansi muna Frenchi wakatondezya ikuti na wazuza alubilo lukali lwa mamaile ali makumi otatwe mu oora, nguzu zikwelela kuyaansi inga zyakuulusya kuzwa aa nyika. Sa muyeeya kuti sayaansi inga yatondeka kusule kuli eco sunu? Bala zuza mamaile aasika ku myaanda iili kkumi afuka mu oora nkabela akuyabuya. Bala zumanana kuya kumbele, kulangila kumbele. Pele tu yanda kulanga kusule a kubona eco Moody nca kaamba; Sankey nca kaamba; Finney nca kaamba; Knox, Calvin; bamwi aabo. Eco nco bakaamba kuti cakali kabotu. Eco cakali ca bukkalo bwabo, pele tuya buzumanana.

72 Syanene wangu wakali kutanta cikocikala cikwelwa a ng’ombe. Nde enzya Ford V8. Mwana wangu uyo enzya ndeke jeeti. Nkokuti, tuya buzumanana kweenda. Obo mbombubo bukombi mbo bweelede kuba. I Kuboola kwa Mwami kuli afwaafwi. Mbungano yeelede kuzumanana kweenda kunjila mu nguzu zyayo. Sayaansi inga yatanta buyo kulaale kapati elyo mpawo yeelede kudimuka, pele tujisi tusensa twa zyakubelesya zitana belesegwa, ezyo zitana gumwa, twa nguzu, zitagoli, izya Leza, ezyo motwelede kunjila. Tu pona mamaile ali milioni kulela ku mbaakani ya coolwe cesu sunumasiku, ku zyoolwe zya Banakristo nzo beelede kutangalila. Ndili mvwa mause cindi Nda langilila awa a kubona tubunga twa basimilimo tugwasya babulide, a malwazi, a mapenzi ayo ali mukucitika ndyoonya lino. Mbungano yesu yeelede kuya bweenda kugwasya babulide mu tugwagwa, kuya buponya baxiswa, kubusya bafwide, kutanda madaimona, kucita zitondezyo a zigambyo, kubamba nyika yoonse kumvwisya kuti Jesu Kristo ulapona. Eco nco tweelede kuno cita.

73 Baa, yebo wati, “Ba. Moody tiiba . . .” Ba. Moody tii bakali kupona mu buzuba buno. Mbo mbubo. Tu ponena mu Kuboola kwa Mwami. Elyo twa cibwezela mu coolwe kuti Wa kali a basimukowa wesu. Pele buzuba bumwi cindi sikuzundikizya nakazundikizya Ba. Graham, tu jana kuti Ta kali akati kaba basimukowa besu.

74 Nkokuli nkoba Mu jana? Nkokuli nkobaka—nkokuli nkobaka jana Jesu? Nkoonya nkoba ka Mu siya. Nkokuli nkobaka Mu siya? Ku pobwe lya Pentekoste. Nkokuli nkotu musiya Jesu, nkokuli mbungano nkoya cita? Ku pobwe lya Pentekoste. Ciindi twa tantamuka ku nguzu ezyo zya Pentekoste ziyaciindi cakale a pobwe lya Pentekoste, tula tantamuka kuzwa kuli Jesu. Mbo mbubo ncobeni, mweenzuma. Tu pona mukulela ku mbaakani ya zyoolwe zyesu. Iiyi, munene.

75 Baka Mu siya ku pobwe lya Pentekoste, alimwi mbo busena bulikke buyo Methodisti, Baptisti, Presbyteria, aba Pentekoste nkoba sola ku Mu jana, nku jokela oko nko mwaka Mu siya. Luli kuli lutangalo lwa Mwami? Zili kuli nguzu zya Mwami? Mbungano ilabuzya sunu, “Ncinzi—ncinzi cakacitika kuli Leza wa makani aakale?” Walo ulindila bantu Bakwe kuti ba Mwi itile aa cilao. Pele i . . .

76 Ta tukonzyi kucicita kwiinda mu tubungwe. Ta tukonzyi kucicita kwiinda ku lwiiyo lwa kulilemeka kwa mizeezo. Ta tukonzyi kucicita kwiinda mu kubelesya nsaamusi, na ta tukonzyi kucicita ku lwiiyo. Tula lipambula, lyaabaula lwesu. Ta twaabawidwe pe. Tuli bantu bomwe incobeni muli Kristo Jesu. Toonse tuli bomwe muli Kristo, nkabela tubungwe twesu tatu kakonzyi kucicita. Mbuli mbo tutandila, tatu kakonzyi kucicita. Lwiiyo lwesu ncilebyo ciinda Makani mabotu nca kasola kuba aco, lwalo ndwiiyo.

77 Nco tu yandika taluli lwiiyo. Tu yanda nguzu a kutondezegwa kwa Muuya Uusalala kujoka mu mbungano kutondezuya nguzu. Jesu ta kati, “Kamuya mu inyika yoonse a— a kuyo yiisya.” Ta kati, “Kamuya mu inyika yoonse a kucita . . .” Wa kati, “Kamuya mu inyika yoonse akuyo kambauka Makani mabotu.” Elyo Makani mabotu nkutondezuya nguzu zya Muuya Uusalala, i bubuke. Twa kalezuya mamaile ali milioni awo mpo tweelede kuba. Atwiinke kumbele. Atu jokele oko nku twaka Mu siya ku pobwe lya Pentekoste.

78 Jesu wa kati, muli Johane, Nda syoma, cipati 15, Wa kati, “Ndime Cisiko; nywebo muli mitabi.” Ee lino, ikuti na Cisiko ciya caleta mutabi mutanzi, elyo kuzwa ku mutabi oyo kwa lembwa Bbuku lya Incito, mutabi wabili uyo bamba Bbuku limbi lya Incito. I mutabi watatu uyo bamba limbi Bbuku lya Incito. Elyo yoonse mitabi iyoozwa ku Cisiko eco iyooaba mbubonya mbuli mutabi mutanzi mbuwa kabede.

<sup>79</sup> Lino, inga mwasomeka mitabi, tu lizi obo. Nda ka bona musamu wa sitrasi kaujisi micelo ya misyobo ili lusele ali nguwo. Nda kabona musamu wamafuleenke kuuzyala micelo ya magirepu, a malemoni, a yoonse imbi ali nguwo, pele yakasomekwa buya mukati.

<sup>80</sup> Ako nkekaambo sunu. Twa someka mizeezo yesu mukati, kasomeka mukati ka tubungwe twesu, pele kuti oyo musamu waba nousola kuzyala mucelo wa masaansa ambi, lwawo, uyooba mbuli njiona mitaanzi eyo yakanjila muli nguwo. Aleluya! Oh, mbungano iyovwelana antoomwe, pele tu yandika nguzu zya kumatalikilo. Tu yandika Muuya Uusalala, nguzu zya bubuke bwa Jesu Kristo. Eco ncencico Nca katwaambila ku cita.

<sup>81</sup> “Ndili Musansa, nywebo muli mitabi.” Ikuti na musaansa uuzyala magirepu wasonsa, elyo azwa kaali masaansa aabbulu mabotu loko, musansa utobela wazyala masaansa aabbulu mabotu loko ali nguwo. Ikuti na Musansa mutaanzi wasonsa, elyo bakawida kungsi lya koongelezya kwa Muuya Uusalala, elyo bakacita malele mapati, a zitondeezyo, akunamatika bumboni bwabo ku nyika. . . Akwalo bunji bwabo ku bumboni bwabo beni, baka, a bulowa bwabo, baka namatika bumboni bwabo. Ba kainda mu misyobo yoonse ya makataazyo a zintuzyonse kuti baleta Makani mabotu. Ba kapenga; ba kaumwa; ba kapenzegwa. “Sena tweelede kutolwa ku muunzi ku Julu, mu ziimo zya buteteete, kakuli bamwi bakalwana kutegwa bajane zilumbo, a kuzwidilila mu maziba aa bulowa?” Ncinzi nco tu langila kucita? “Nde elede kulwana ikuti na Nde elede kulela. Yungizya busicamba bwangu, Mwami.” Mubwini. Tu yandika i . . .

<sup>82</sup> Ta tuyandiki kabungwe kapyo. Ta tuyandiki buyake bwa mbungano bupya. Nco tu yandika sunu ndu bukulusyo lwa Pentekoste lujaya zibi, lwa bbulu ubalangala, lwa mugani lyakale, lwa kazyalwa ku Pentekoste elyo lujokele mu mbungano alubo, nguzu zya Muuya Uusalala alubo, ku leta Jesu aa cilao.

<sup>83</sup> I Leza wa makani akale lyoonse ula yutuka aa cilao mu ciindi ca kubamba muzeezo. Tula ciyanda. Ako nkekaambo a mbungano yesu sunu. Tuya busyaalila maningi. Tuli mukukozyanya mu ziyanza zya inyika. Elyo mbubonya, mwaka a mwaka, ya talika kuya bufwa asyoonto a ku yabuzimaana.

<sup>84</sup> Ciindi ca kukokola ciya buswena loko. Leza uyo unyongola cakasimpe mbuli Mbwe imvwi mu cikambaukilo eci. Leza uyo nyongola kutegwa uka zyale micelo. Uyo nyongola milimo ya nyika kuli nguwo bumwi bwa mazuba aya. Kuusisya nsoni mbuli oku, nzila mbungano mboya zumanana mu zina lya bukombi.

<sup>85</sup> Elyo tu jana kuti, cindi Jesu nakazwa, lufu lwakatalika akuyabuya. Cindi Jesu asiya mbungano yesu, nguzu zya Muuya Uusalala zyzwa mu mbungano yesu, zyatalika kuya buceya a—a kufwa. Elyo kwainda cindi takucikwe cintu cikonzya kuyeenza.

Lino, cindi Jesu azwa, lufu lwatalika akuyabuya. Oh, ino cakali ciindi cakuusa loko.

<sup>86</sup> Elyo amubone, baka tuntulika koonse, elyo bakatumina Jesu, pele Ta kasika. Baka Mu tumina alimwi, alimwi Ta kasika, pele Wa kalizi eco Nca akali noyocita. Walo ulizi sunumasiku, eco Nca yoocita. Ta ciswekede kuli Nguwe: Ulizi cigaminina eco Ncali aafwi kucita. Uyo busya muntu, muntu buyo masimpe uli mbubonya mbuli Ndime kwiima mu cikambaukilo eci. Uyo busya muntu ku Zina Lyakwe kuzwa ku nzyalani ya Bamasi aku bukanze bwa njiyo. Uyo cicita.

<sup>87</sup> Eci nciindi cili afwaafwi kuba Juda lino, a ciindi ca Bamasi ciya kumana, nkaambo baya buzwa. Bali mu kukaka Kristo; bali mu kukaka zitondezyo zyabo; bali mu kukaka zintuzyonse zitegwa nzyabunaleza, a kuzibikka impa mbuli musyobo wa kukwabana kwamizeezo na nguzu zya dyabulosi a kucita. . . Basanka Muuya Uusalala a kuli bikka caando cakulizandula kuli Leza. Elyo Leza uyo bweza abo bace, kwakwiinda ciindi, aku babusya kuba Mbungano yanguzu, elyo mpawo kunyona Muuya kuya kuba Juda, a kutola Mbungano ya Bamasi ku muunzi. Mbo mbubonya. Uli mu kulibamba lino. Ee, tuli ku ciindi camamanino lino, munsu maningi.

<sup>88</sup> Jesu, Wa kalizi. Elyo kwiinde kaindi Wa kati, “Mweenzuma wesu Lazaro uloona.”

<sup>89</sup> Baa, basikwiiya bakayeeya kuti nkulyookezya kuniini. Wa kati, “Ee, kuti na uloona, wa cita kabotu loko.”

<sup>90</sup> Ee, Wa kaamba muli Aakwe. . .majwi aabo, kutegwa bamwisyey, kati, “Uli fwide, nkabela nkambo kanu Nda botelwa Nsi ndakaliko.” Mwabona? “Nkaambo ka ndinywe, Nda botelwa Nsi ndakaliko.” Nkaambo nobaka Mu lomba ku—ku ponya—ku mu ponya, pele Wa kalizi Ta kali kukonzya kucicita, nkaambo cilengaano tii cakalina. . .kwiinde mazuba one Wa kalizi kuti nce ciindi Taata ncaka Mwa ambilide. Obo mbocili cibotu; Wa kati ku cuumbwe, “Taata, Nda Ku lumba, Yebo wamvwa kale, pele Nda caamba nkambo ka baaba baimvwi ambali.” Mwabona? Wa kalizi kale eco Nca kali kuno cita. Wa kati, “Nda unka nka mubusyey.”

<sup>91</sup> Lino, inga Nda yeeyela oyo muunzi muniini wakali mwaikide mubwini. I sikumamela mukwasyi wakafwa, buusu. Oh, ncibotu cindi wa nojisi moyo wabuusu a muunzi wa buusu, elyo mpawo Jesu wayutuka mpoonya biyo, embo na? Nda yeeyela kubona Marta, mwanakazi mubotu antaulu isiya ku busyu bwakwe, a Mariya muniini, elyo balo bakali jatilide kuli umwi aumwi, ka bati, “Ino tula cita nzi? Taata a Baama bali fwide, elyo a mukwesu uyandwa. . .Lino, twa siya mbungano, alimwi twa tandwa kuzwa kuli mbabo, a kuzwa kutobela Jesu waku Nazaleta. Elyo Wa somonwa a kutusiya, kubusenabumwi.”

<sup>92</sup> Inga ndamvwa sikujana butongo kaboola awo akuti, “Yawe, uli kuli oyo Musilisi Sibuleza, Musinsimi oyo waku Galilaya? Uli Aali ino? Mwabona, cindi casika kasimpe kuli Nguwe kucita cintucimwi, Walo tako.” Nceeco we. Mwabona, Leza ula botelwa buyo ku cita boobo, kulekela buyo bantu, buyo, kulekela bantu kutondezya obo mbo babede, inzya, kuba soleka buyo kubona kuti bali buti ncobeni. Ula bapa cilongezyo. Ula yutuka, lalitondezya Mwini, kuli zibya Mwini ku bantu, ku bona buyo musyobo kuvwiila nkoba yootola, kubona buyo mboba yocita kujatikizya ncico.

<sup>93</sup> Lino, tula jana mpawo, nikwakainda mazuba i—i masyoonto, mazuba one, Lazaro mucete wakafwa. Ba kamuzikka. Buzuba bwabili, buzuba bwatatu, buzuba bwane. . . Lino, kufumbwa muntu ulizi kuti kubola kula boola kwainda mazuba otatwe: mpemo ilabobela mu busyu, lutaanzi. Elyo mpawo kubola kulatalika akuyabuya; tuuka twamu mubili twatalika kulya mubili. Baka muzikka mu bulongo, kabikka bbwe pati atala aa bulyango omo mu bakamubikkide. Elyo mu ziindi zisyoonto, basimbi baniini bakali kunga baunka kubusena a kufugama ku cuumbwe a kulila.

<sup>94</sup> Elyo nikwakainda kaindi, makani akamvugwa koonse, “Jesu waboola. Twa Mu bona kaendeenda mu muunzi.” Oh, oyo Marta muniini, oyo waa kali maningi, mukubaanga, mulenga maningi kujatikizya ncico, waa katondezya mpawo oko nkwakazwida. Ngooyu waa boola. Uya buboola mu lweendo lwakwe mpawo, kazuza kuzwa kuya buyandaula. Nda bamvwa bamwi babo mu mugwagwa kabati, “Ee, Nda yeeyela wa kcutila lino, kuti bukombi bwako bwakali bwa bubeji.” Waa kaumuna buyo a kuzumanana, wakainda eni ali boonse basikusampaula. Waa kaunka kunselelo kusikila waa ka Mu jana, ambweni kukkala ansi ku kkona lya kagwagwa.

<sup>95</sup> Lino, cilibonya mukubaanga, waa keelede. . . waa kali jisi antela nguzu ku Mu tapatila a—a kwaamba bubi kuli Nguwe. Baa, takazuzila akuti, “Langa kuno, langa kuno, Yebo. We elede kuba Musinsimi, i Muntu wa Leza. Nkaambonzi Nco taka boola cindi nitwaka Kwiita? Nkaambonzi, tuli basikusekwa mu dolopo lino. Twa kazwa mu mbungano yesu kutobela Nduwe.” Kwa kalibonya mbuli kuti waa kali jisi nguzu. Pele nywebo mulizi, mbubonya buyo mbwe Nda kakambauka aa, *I Kabelele A Nziba*, ikuti na tuli kabelele, kabelele kala sweekelwa ngunzu zyoonse nzyo kajisi. Mbo mbubo. Taakwe nco ka jisi pele boya, aboobo keelede kusiya eco. Elyo kosiya nguzu zyoonse nzyo jisi ku belekela Leza. Obo mbo mbubo ncobeni.

<sup>96</sup> Nda kali kubwekela banakazi kumakani a mbo basama tusani oto twakaindi, nywebo mulizi, elyo ba kati, “Ee, tuli—tuli bana America. Tula konzya kucita nco tu yanda.”



<sup>97</sup> Nda kati, “Mbo mbubo ncobeni, pele ikuti na uli kabelele, uyo sweekelwa nguzu zyako.” Kufweba misanga a kulilemeka kuteelede mbuli boobo, nce cintu ciinda kubija mwanakazi nca kasola kucita. Obo mbombubo ncobeni.

<sup>98</sup> I mulindu waa kati kuli ndime, kutali ciindi cilamfu cakainda, kaambaula kuli ndime, kati, “Pele, Mukwesu Branham, taba pangi misyobo iimbi ya zikobela.”

<sup>99</sup> Nda kati, “Pele bacipanga mincina yakusumya a kusambala zibotu. Taakwe ntamizyo kuli ceeco noiceya.” Mbo mbubo ncobeni.

<sup>100</sup> Amuyeeeye, buzubabumwi, ndiza inga kono njoloma ku mulumi wako, pele uyo vwiilila bumambe nkambo ka ncico, mbuli camasimpe buya: “Kufumbwa muntu ulangilila mwanakazi cakumusukama, wacita kale bumambi a nguwe mu moyo wakwe.”

<sup>101</sup> Ndipenzi nzi ku banakazi ba Pentekoste sunu, nce cintu Nceli mukugambwa. Obo mbo mwakazwa kunzila yanu ya bweende bwakaindi. Obo bamanyokwe mbo bakali kuba a masusu malamfu, nkabela sunu banakazi bana Pentekosite balalipenta mbuli cikungo ca mazuba kakutanaba Kuliimya a Kulisalazya, a kugela masusu abo, a kusama tusani tufwafwi twa kaindi mbuli boobo, mbubonya mbuli nzila imwi. . . kuzwa anze akuyo gela bwizu masikati, cindi baalumi nobainda ambali, sena ula mvwisya, mwanakazi, kuti uyo vwiilila kaambo kakucita bumambi a mbabo baalumi? Ula tondezya kuli mbabo ku bukanze obo. Walo muuya mubi aa mbungano a bantu, nkabela ta bauzi. Mboofu nkabela tabauzi. Bwalo mbwini.

<sup>102</sup> Ndiza inga waamba kuti Nsi jisi nguzu kwaamba eci mbuli muvangeli. Ee, Nde—Nde elede kutobela kweenzegwa kwa Muuya Uusalala; nkukoonse Nkwe konzya kwaamba. Nywebo. . . Ikuti na Nka muswaane ku lubeta, mpawo Ta ndikabi a bulowa bwanu mu maanza angu. Amu sosoloke ku busena nobuceya buboneka mbuli Saatani. Amu tantamuke kuli mbubo. Amuzwe mbubo. Ta ndikwe ndaba na mbanji buti basikusangabalisya bamu zipekupeku. . . Toli, awa, sikusangabalisya wamu zipekupeku; uli mwana musimbi iwa Leza.

<sup>103</sup> Kakambauka mu mbungano ya mweembezi cifumo cimwi, kujatikizya muzike wakaindi, ciindi nobakali kusambala bazike kaindi loko. Elyo bakali kunga bala boola a kubaula kubusambazi bwa buleya kuli oyo ujisi muulo wiinda. Elyo bantu bakali, koomoka, kulila, nkaambo ka cisi cabo cakuzyalilwa; taba kakonzyi kujokela. Elyo bakali kubanabba. Elyo bakali kunga bala baula mbuli buyo mbomunga mwaula myootokala, ku cintu cili coonse, myuulo, a kubasambala balo bantunsi.

104 Elyo buzuba bumwi, sikuula wakasika, sikucitila bamwi makwebo, ku mpulazi mpati ntali-. . .myuunda ya zisyango mipati, mubwini. Elyo wakati, “Mbangaye bazike mbo jisi bakusambala?”

105 Kati, “Ee, Ndi jisi bamwi bakucincanya.” Ba yoosola kubweza bapati. Kubweza bamamama, bamatata. . .Ikuti na mwanakazi ngwa kakwete wakali mwanakazi ukompeme, bweza baalumi aba bapati banseba mbotu a kubacitya kuba aankwela ku. . .mbuli mabbiza a banyama. Taakwe nicakali kabotu pe. Leza waka bamba muntu. Muntu waka bamba bazike. Tacili kabotu kukotalika, peepe. Leza tayandi muntu uli onse kuba muzike. Peepe, munene. Alimwi taakwe. . . Amulange cakali kutola busena.

106 Mpawo akati ka zyoonse ezyo, oyu mulombe wa kati, “Ee, inga Nda yanda kuula bamwi babo. . .” Wa kabona umwi wa balombe okuya. Tiiba kali kumuuma. Kalezu kakwe kakali nukide, a mutwe wakwe awalo, mbuli buyo mulombwana mubotu wini, kaendeenda. Elyo oyo sikucitila bamwi makwebo wa kati, “Ndi yanda ku muula.”

107 Wa kati, “Pele tali waku sambala.”

108 Wa kati, “Ee, nkaambonzi?” Kati, “Sena ngu simalela?”

109 Wa kati, “Nee, walo muzike.”

110 “Ee,” kati, “nkaambonzi? Sena umusanina kabotu kwiinda mbo citila bamwi babo?”

111 Wa kati, “Peepe. Ulida anze kuya mu cilido abamwi babo. Walo muzike.”

112 Kati, “Ncinzi cimubamba kwaandaana maningi kwiinda bamwi babo?”

113 Elyo simalela wakati, “Nda kagambwa obo lwangu kwa ciindi cilamfu, pele buzuba bumwi Nda kabuzya. Okuya mu nyika ya buzyale, wisi mwaami wa musyobo. Elyo nekubakuti ngu muzwakule uutali ku muunzi, ucizi kuti mwana wa mwaami elyo ulilemeka mbuli umwi.” Ikuti na eco. . . Ikuti na sicisi muna Africa inga wamvwisya kuti wisi mwaami, alimwi awa ngu muzwakule mu nyika ya bweenzu ucikonzya kuziba kuti kutala aa lwizi mwana wa mwaami, mbobuti banakazi a bamaalumi mbo beelede kulilemeka mukuba bana balombe abasimbi iba Leza? Amulilemeke mbuli nguwe. Masimpe. Amuli lemekezye nobeni; amuli salazye nobeni a kulilemeka mbuli bana basankwa a basimbi iba Leza. Ta cigambyi, ino mbube.

114 Mpaawa mpo tubede. Oh, Marta muniini, kaboola kazuza kuzwa. Waa kalibonya mbuli kuti waa kajisi i—i nzila yakuba a kwaambaula cintu cimwi kulwana Nguwe. “Nkaambonzi Toka boola ku mukwesu wangu? Langa eco neitwaka Ku citila, elyo Wa tutola ansi.” Ee, ikuti na kaamba obo, kaano nikaka tamana mbuli mbo kakacita. Peepe, munene. Ni nzila mbobweza cipego

ca Buleza ca Leza. Ikuti na Leza wa tuma cipego, weelede ku cilanganya kabotu. Ikuti na ulangila kujana cintu kufumbwa kuzwa kuli ncico, weelede ku cilanganya kabotu. Elyo Marta wa kalizi obo. Waa kali kunga ambweni waa bala kujatikizya mwanakazi wa ku Sunemu a muvwanda wakwe. Elyo waa. . . Ikuti na ulya mwanakazi waku Sunemu waa kalizi kuti Leza wakali muli Eliya, ino nkunji buti Mbwa kabede muli Jesu? Masimpe.

115 Aboobo, waa kainka a kulanganya kuli kabotu. Waa kabindila a kuwida ansi ku matende Akwe. Ndila ciyanda eco! Kawida ansi ku matende Akwe a kuti, “Mwami. . .” Eco nce ciiminizyo Cakwe cili kabotu. Obo mbo mbubo Mbwa kabede. Wa kali Mwami wakwe. “Mwami, ikuti Yebo nokaliko, mukwesu wangu natakafwa.”

116 Oh, ma! Oh, inga Nda yeeyela buyo kubona moyo Wakwe mupati loko mbuli Mbwa kalanga ku mwanakazi ulya mubotu, misozi kaikunka kunselelo lya masaya aakwe. Kati, “Mwami, ikuti Yebo nokaliko, mukwesu wangu natakafwa.” Amulange eco nca kaamba. “Pele nekuba lino, Mwami, nekubakuti ulifwide, nekubakuti tuuka twamu mubili katuyongosana mu mubili wakwe, nekuba lino, Mwami, kufumbwa eco Nco lomba Leza, Leza uyo cipa kuli Nduwe.”

117 Oh, ayo maseseke. Inga waamba, “Nda kazela mu zibbadela zyoonse. I dokota waamba kuti Ndi yoofwa, pele nekuba lino, Mwami. . . Ndili lemene koonse ku bulwazi bwa coondamazwi; Nse konzyi kweenda, pele nekuba lino, Mwami. . .”

118 Ulya muvwanda muniini bulwazi bwa maanzi mu mutwe *ulya* mupati ubulungene masiku ainda. Taakwe cintu nconga wa cita. Nica kamwaika koonse a kubbotola mutwe wakwe muniini a kufwa, “Pele nekuba lino, Mwami. . .” Ucili Leza mbubonya. Ucili Mwami mbubonya. “Nekuba lino, Mwami. . .” Elyo Uli kkede ku janza lya Leza Singuzuyonse, kokombelezeya zintu ezyo nzo tu taminina kuti Wa ka tucitila.

119 Lino, Ndi limvwa cabukombi ncobeni. Masimpe ndacita. Muyo ndiita kuti mubumbulusi uusalala kuli koonse, aboobo inga wa talika akwalo, a cimaninizya cibbi mukuti ceelede.

120 Aboobo, iiyi, munene, “Nekuba lino, Mwami, kufumbwa eco Nco lomba Leza, Leza uyo cicita.”

121 “Amulombe Taata kufumbwa cintu mu Zina Lyangu, Ndiyo cicita,” Jesu wa kaamba.

122 “Nekuba lino, Mwami, kufumbwa eco Nco lomba, Leza uyo cipa kuli Nduwe.” Oh, eco cakasandula moyo Wakwe mupati loko.

123 Wa kati, “Munyoko uyo pona alimwi.”

124 Waa kati, “Inzya, Mwami. Uyo pona. Wa kali mulombe uli kabotu. Uyo buka mu bubuke bwa boonse ku buzuba

bwamamanino.” Balo bama Juda bakali kusyoma mu bubuke bwa boonse. “Uyo buka mu bubuke bwaku mazuba aakumamanino.”

<sup>125</sup> Amu Mu lange. Wa kaliboozya Lwakwe kukuleka kulila. Wa kati, “Ndime Bubuke a Buumi.” Oh, ma. Taakwe muntu waka konzya kwaamba boobu kuzwa lili. Taakwe no kuyooba omwe kumbele, ukonzya ku caamba. Nguwe Alikke ukonzya ku caamba. “Ndime Bubuke a Buumi,” mbwaamba i Mwami. “Oyo uusyoma muli Ndime, nekubakuti wakali fwide, kwalo uyo pona. Elyo kufumbwa oyo upona a kusyoma muli Ndime tako yoofofa. Sena ula syoma obu?”

<sup>126</sup> Wa kati, “Inzya, Mwami.” Oh, waa kalizi cintucimwi kuti cakali afwaafwi kucitika. Ca keelede kuba.

<sup>127</sup> Cindi lusyomo lwazwa ku moyo usyomeka lwaswaana Leza, eyi mingwala ya bugwaligwali ilaboola kasimpe antoomwe mbuli *boobo*. Cintucimwi ceelede kutola busena. Nda zundikizya mbunga eyi sunumasiku, mu Zina lya Jesu Kristo, amu lekele lusyomo lwanu luswaangane a Leza mbuli bobuya, mu maminiti masyoonto tu yooba a Pentekosite imbi. Ku yooba lubukulussyo luli boobu luyo pasuka mu dolopo, takukabi basilikani banji mu cisi baku bakasya. Eco cili kabotu. Ku yooba lubukulussyo lwa ncobeni. “Nekuba lino, Mwami. . .”

<sup>128</sup> “Ee, Mwami, twa lesula ali *eci*; twa kacita *eci*, a ku cita *eciya*.” Nse kwe ndaba a nco waka cita, “Nekuba lino, Mwami. . .” Uli ndila nduwe kwiita Nguwe. Walo. . . “Sena ula syoma obu?” Masimpe. Iiyi, munene. “Nekuba lino, kufumbwa eco Nco mulomba Walo. . .”

<sup>129</sup> “Nkokuli nkumwaka muzikkila?” Lino, Uya buya ku cuumbwe. Wa kali muntu ukonzya kulila; Wa kali Leza ukonzya ku busya bafu.

<sup>130</sup> Kuno ciindi cimwi ca kainda, mwanakazi umwi oyo uzulilwa ku nkamu imwi ya bantu. . . Nse kacibambi kuba cilengwa kuzwidilila kujatikizya tubungwe. Pele mwanakazi oyu. . . Taba syomi kuti Jesu wakali Sibuleza. Ba lati Wa kali musinsimi buyo. Lino, Mbwa kabede. . . Ikuti na Wa kali musinsimi buyo, toonse tuli mu cibi. Wa kali Leza, taakwe kulezya kuba Leza, kwataba boobo wakali sikucenga mupati maningi inyika ngoya kasola kuba awe. Mbo mbubo. Wa kali kwiindilila kuba muntu. Waa kati, “Ta kali Sibuleza.”

<sup>131</sup> Kuli kunji kwa ceeco mu makani mabotu akabambwa a tubunga sunu; kusola kubamba Jesu Kristo kuba musinsimi. Nkaambonzi, Wa kali Leza wa basinsimi. Masimpe Mbwa kabede.

<sup>132</sup> Waa kati, “Ndiyo citondezya kuli nduwe kwiinda mu Bbaibbele lyako, ‘Wa kali muntu buyo.’”

<sup>133</sup> Nda kati, “Cicite.”

134 Elyo waa kati, “Cindi Walo nakainka ku cuumbwe ca Lazaro, i Bbaibbele lyakati, ‘Wa kalila.’ Wa keelede kuba uufwika kwataba boobo Walo natakalila.”

135 Nda kati, “Mulindu, sena olo ndo Lugwalo lwako?” Nseli sumpuli awa mu kwaamba ceeci, pele Ndiyo mwaambila eco nce Nda ka mwaambila.

136 Waa kati, “Cencico eco.”

137 Nda kati, “Ako kaambo kali kompeme loko kwiinda musinza wapangwa kuzwa ku katuli kaniini loko ka nkuku yakafwa ku nzala.” Nda kati, “Ee, to—to jisi cintu comwe cakwiimina mpawo.”

138 Waa kati, “Baa, Wa kalila. Eco caka tondezya kuti Wa kali uufwika.”

139 Nda kati, “Wa kali uufwika alimwi a utafwiki. Wa kali Leza mu buntu.”

140 Wa kati, “Oh, mbufubafuba!”

141 Nda kati, “Wa kainka ku cuumbwe kalila. Obo mbwini bukkwene, pele cindi Na kalyoolola Lwakwe kuniini...” I Bbaibbele Iya kati, “Kwakanyina kunji kwaku Mu botelwa; kunyina bubotu mbo tweelede ku Mu nyomenena.” Pele cindi Na kayuntanya makuko akwe maniini kusule a kuti, “Lazaro, buka,” elyo a muntu oyo wa kafwide kwa mazuba one kaboledde mu cuumbwe, wa kabuka. Oko kwakali kwiindilila kuba muntu. Ndi tondezye na muntu ula konzya ku cicita. Cakali cinzi? Kubola kwakalizi Simalela wa nkuko. Buumi bwa kalizi Mulengi wa mbubo. Cintucimwi ca keelede ku citika. Wa kaamba elyo a muntu oyo waka fwide a kuba mu cuumbwe kwa mazuba one, wakabusigwa alimwi, a kwiima ku matende akwe, a ku pona. Aleluya! Oyo wakali Leza mu Mwana Wakwe. Iiyi, munene. Oyo wakali Leza kalibamba Mwini kuzibwa kwiinda muli Nguwe, Mwana. Oyo wakali Leza kaambaula, kutali muntu.

142 Wa kali muntu cindi Na kalanga aa musamu ulya buzuba buya ku cintucimwi cakulya. Oyo wakali muntu. Pele cindi Na kabweza zinkwa zyoanwe a nswi zybobile a kusanina bali zyuulu zyoanwe, oko kwakali kwiindilila kuba muntu. Oyo wakali Leza kaba sanina mukati muya. Wa kali kwiindilila kuba musinsimi, kwiindilila kuba muntu, Wa kali Leza-Muntu. Masimpe.

143 Wa kalala kusule Iya bwaato obuya buniini busiku obo, a lwizi kaluvuuma a kuyuuntana mbuli mbilibili aabusena awo mu lwizi luya lwa nguzu, cindi badyabulosi bali zyuulu zili kkumi ba lwizi nibaka konkezya ku Mwi inkizya busiku obo. Wa kali muntu, kakompeme a kukatala kukombela baciswa, kalede kusule kuya; elyo a muuwo kwiina niwaka Mu nyonganya. Wa kali muntu cindi Na kali koona, pele cindi Na kabuka, kubikka cituta Cakwe a lukole lwa bwaato, wakalungumana,

a kuti, “Tontola, uumune wii,” elyo muwo a mayuwe zyaka Mu swiilila, oko kwakali kwiindilila kuba muntu. Oyo wakali Leza mu muntu, kalibamba kulizibya Mwini. Mbo mbubo.

<sup>144</sup> Wa kali muntu a ciingano cindi Na kalilila luse. Cindi Na kalila akuti, “Nda fwa nyota,” oyo wa kali muntu. Cindi Na kafwa, Wa kali muntu, pele ku Cifumo ca bubuke bwakwe cindi Na kazyula impa zya lufu, gehena, azya cuumbwe, a kubuka alimwi, Wa kali kwiindilila kuba muntu: Wa kali Leza waka tondezegwa. Taci gambyi sikweema ncahati:

Kupona, Wa ka ndiyanda; kufwa, Wa ka ndifutula;  
Kuzikkwa, Wa kabweza zibi zyangu kulaale;  
Kubuka, Wa kalulamika kwabuyo kwalyonse:  
Buzubabumwi Ula boola—Oh, buzuba bwa bulemu!

<sup>145</sup> Wa kati, “Nkaambo Ndi lapona, a nywebo mula pona. Sena ula syoma obu?” Ngu mbobuca nguwenya, sunu, amuya myaaka. Sena ula syoma obu? Nda syoma Muuya Uusalala uli waano ndyoonya lino. Sena ula syoma obu? Nda syoma Uyo tuzuzya a Busyu Bwakwe. Sena ula syoma obu? Nda syoma Muuya Uusalala uyanda kutila Busyu Bwakwe, kuponya boonse bacisidwe, kubamba bantu boonse abo batakwe Muuya Uusalala kuti bazuzigwe. Sena ula syoma obu? Sena mula syoma a moyo wanu woonse? Atwiime ku matende esu aku Mu lumbaizya. Nda syoma Uyo wida ali ndiswe ndyoonya lino.

<sup>146</sup> O Mwami Leza, Mulengi wa majulu a nyika, Matalikilo a Buumi Butamani, Sikupa zipego zyoonse zibotu, swebo “Tula syoma eci,” Mwami. Tula syoma kuti oyo Nduwe muno mu muswaangano. Tula syoma kuti oyo Nduwe uleleka buntu bwesu. Tula syoma kuti Nduwe utila Muuya Wako ali ndiswe. Tula syoma kuti Nduwe mbobuca nguwenya, sunu, amuya myaaka. Tula syoma Ula pona mane kukabe kutamani a mazina esu alilebedwe mu Bbuku Iya Buumi ilya Mwanaambebele. Majulu oonse a nyika ziyooloba, pele tuyo pona kukabe kutamani, nkaambo Ula pona kukabe kutamani. Mwami, Wa kacisyomezya kuli ndiswe. Tula cisyoma a myoyo yesu yoonse. Zintuzyonse zili muli ndiswe, tula zi syoma, Mwami. Nda Mu yanda, Nda Mu yanda.

<sup>147</sup> Sena mula Mu syoma? Nda syoma kuti oyo Muuya Uusalala. Kuli Cintucimwi cituwida. Sena ula syoma obu? Nda syoma Ula ponya bantu boonse lino. Sena ula syoma obu? Amunyamune maanza anu kuli Nguwe. Amwiime ku matende anu. Sena ula syoma obu? I Muuya Uusalala mpouli ano. Oyu Ngooyo! Petro wakaamba, “Oyu Ngooyo.” Oyu ngo Nguwo, i Muuya Uusalala.

<sup>148</sup> O Mwami, Mulengi wa majulu a nyika, kotuma nguzu Zyako, a zileleko Zyako, bubotu Bwako aa bantu aba, a kuleleka myoyo yabo, a kuba lekela kubona Mwana wa muntu kuti muumi

kwalyoonse. Ko cipa, O Mwami. Twa baleta kuli Nduwe, mu Zina Iya Jesu Kristo, i Mwana wa Leza.

<sup>149</sup> Kufumbwa muntu oyo uuta jisi Muuya Uusalala, amunyamune maanza anu a kulumbaizya Leza. Nda syoma Uyo muwida. Muntuumwi kobikka maanza ako ali mbabo. Eli nde oora. I no nkaambonzi nco tu cilindilila? Eci nce ciindi. Eci nce ciindi ca Pentekosite, kujokela alimwi kuli Leza. Kuba akululama a Leza, Pentekosite! Amulekele myoyo yanu ku bukulusigwa ku nguzu zya Leza muumi. Amulekele Muuya Wakwe weende kunjila muli ndinywe, kusalazya myuuya yanu. Mpali ano masiku a masiku, ano kukuponya baciswa, kupa kubona ku boofu, kwiinda mu nguzu zipati maningi Ula lisimpikizya Mwini kuba nguwenya uutacinci lyoonse. Aleluya!

<sup>150</sup> Atu Mu tembaule. Amunyamune maanza anu. Amulube awo mpo mubede; muzibe buyo kuti muli mumsi Lyakwe, a bubotu Bwakwe, a bulemu Bwakwe, a nguzu Zyakwe, a luse Lwakwe lutamani. Ngu mbobuca nguwenya lyoonse. Alilelekwe Zina Iya Mwami. Aleluya! Oh, tu tembaule Zina Lyakwe Lisalala.

<sup>151</sup> Oh, obo mbocili cibotu, obo Mbwali singuzu. Mbangaye bayanda kusalazya maumi abo kuli Leza lino, bupya? Nyamuna janza lyako. Mbangaye bayanda kusalazya maumi abo kuli Leza? Mbo kubede. Amunyamune maanza anu. Atu bone Pentekosite. Atu bone bantu ba Leza. Ndiyo nyamuna janza lyangu. “Mwami, mpaawa Mpendi. Ko ndituma.” Ko tuma Angelo akkala Iya mulilo kuzwa ku cipaililo alimwi kotuma nguzu Zyako ali ndiswe, Mwami. Leza, kocipa mubuzule bwa Muuya Wako, O Taata. Ko swiilila mupailo wesu, O Mwami. Ko swiilila mupailo wesu, mbuli bana baimvwi mukusyoma. Li tembaulwe Zina Lyakwe.

<sup>152</sup> Oh, mbuli mayuwe a bulemu kaziwa, oh, madosi aamume wa luse. O, atembaulwe Leza. Akube kuti myuuya yesu ilindilile. Sena ula syoma obu? Sena ula syoma obu? Oyu ngo Muuya Uusalala uboola. Ezi ni nguzu zitalibonyi ezyo zitutola mu Bwami bwa Leza, zileleko zya Pentekoste. Kujokela ku muunzi. Mula langilwa kujokela ku muunzi. Muli bantu babotu. Leza uyanda kuti mulisalazye. No banakazi, amuli sanzye. Baalumi, amuli sanzye. Atu talike kujokela kuli Leza a kubelekela Leza a myoyo ini iisalala.

<sup>153</sup> Alumbwe Leza, Muuya Uusalala uli mu busena bwa muswaangano. Ko cita buyo eco nco limvwa kusololelwa kucita. Kolekela buyo Muuya Uusalala weende ali nduwe. Taakwe cintu nce Ndi konzya kwaamba. Ta ndizi ncobeni ca kwaamba lino. I Muuya Uusalala uli koonse mu buyake. Alilelekwe Zina Iya Mwami. Alumbaizigwe Mwami. Oh, aleluya! Aleluya! Alumbaizigwe Mwami. Alumbwe i Mwami. Obo mbocili cibotu kapati, ino ncabulemu. . . Obo mbocili cibotu, obo mbo luli lubotu kapati lutembaulo lwa basalali ba Leza ku busyu bwanu,

a Busyu bwa Muuya Uusalala awa kabweenda a ku tutondezya bulemu Bwakwe kuzwa ku nkamu eyi mpati yabantu mu kuzuminana komwe, kiilumbaizya Zina Lyakwe.

<sup>154</sup> Konyona ncobeni a kusukana maanza a muntuumwi, kwaamba, “Alumbwe Mwami, mukwesu. Alumbwe Mwami, mucizi.” Atu njile moonya a kulekela Leza ku bukulusya. Alumbwe Mwami. Mbo mbubo. Nywebo nyoonse noba Methodisti, aba Baptisti, aba Presbyteria, aba Pentekoste, aba Seventh Day Adventisti, a kufumbwa mbomubede, amusukane maanza kuli umwi aumwi mu Busyu bwa Mwami Leza. Mbo ceelede. Oh, aleluya! Aleluya! Aleluya! Oh, Ndili boteledwe loko Ndili umwi wabo. Ndili boteledwe loko. Oh, kumwaila aansii malambo, kusowa malabisi. Bulemu! Lwaangulukuko mu Mwami, kulumbaizya Zina lyakwe Lisalala. . . Lilelekwe Zina lya Mwami. Oh, aleluya! Alumbwe Leza.

<sup>155</sup> Oh, Nda yandisya buyo kubona eco: bantu kaba sukana maanza kuli umwi aumwi akubekemya masyu abo. I nguzu zya Leza ka zyaamba, “Mbo ceelede. Mbo ceelede, tuli bana ba Leza. Toonse tuli mbungano yomwe mpati ncobeni, muntu omwe mupati ncobeni muli Kristo Jesu, Nabwiinga Wakwe, Oyo wabulemu.” I Kuboola kwa Mwami kuya buswena. Bantu Bakwe baya buswaangana antoomwe a kuliyanda beni. . . a luyandisyo a nguzu zya Busyu Bwakwe. Oh, eci cili mbuli Julu. Oh, eci ncibotu. Ameni. Oh, mbocili cabulemu, obo mbocili cibotu kapati: kukomba buyo Mwami mu Muuya a mu nguzu. Ciindi cili boobu. (Ceelede kuleka; tula talika.)

<sup>156</sup> Takukwe buyo. . . Nda baambila bakwesu, “Bakwesu, takwe busena bwakulekela.” Taakwe busena awa bwakuti. . . Tatu natalika, aboobo tatu kooleka. Nkubotu loko buyo—buyo. . . Mbangaye balimvwa kabotu maningi? Busyu bwa Mwami buyo, oh, ma, nkubotu loko, Busyu bwa Mwami okuno.

<sup>157</sup> Lino, Busyu bwa Mwami mpobuli kuti buponye baciswa, kubamba bantu kuba kabotu. Amu Mu syoma buyo. Sena mula Mu syoma? Ikuti na inga twa Mu syoma, zintuzyoonse zilakonzeka. Mula syoma obo? Sena mula syoma kuti obo kuba Busyu bwa Mwami?

<sup>158</sup> Lino, kuciindi nomu. . . Mu ndipe buyo kaindi kaniini, buyo kaindi kaniini lino, alimwi amuswiilile kwakaindi buyo kaniini. Andi muzibye kuti walo Muuya Uusalala uli ano. Andi mutondezye kuti Muuya Uusalala, nguonya Oyo uukanana, Oyo uucita cintu, ulizi eco. Mbangaye baliko lino, banjila kabacisidwe muno? Atu bone maanza anu. Abo bajisi malwazi. . . Kuli bantu. . .


<sup>159</sup> Ngooyo muntu wiimvwi awo. Sena ula syoma, mudaala? Taakwe makkaadi a mipailo kubusena, pele sena ula syoma kuti Leza inga wakuponya? Sena ula syoma kuti Ula konzya kundaambila penzi lyako? Lili mu lubazu lwako. Uli bambila



kuyo pandulwa. Mbo mbubo. Zina lyako nduwe Ba. Cartwright. Mbo mbubo. Sena mbo mbubo? Kovupaula janza lyako. Ncibotu. Koya ku muunzi akuba kabotu, toka kuyandi. Ula cisyoma?

<sup>160</sup> Oyo mwaalumi ujisi muvwanda mu maboko aakwe, sena ula ndisyoma kuba mulanda wa Leza? Sena ula syoma kuti oyu Muuya Uusalala? Ta ndikuzi pe, sena mbo mbubo? Nsena kubwene mu buumi bwangu; tuli beenzu. Sena ula syoma kuti Muuya Uusalala inga wandaambila penzi ku muvwanda oyo? Ujisi bweele. Mbo mbubo. Embo na? Nincobeni. Yebo tozwi kokuno. Peepe. Yebo ujisi penzi lya mwida, ndo ciswa, lwako. Mbo mbubo, takuli mbubo na? Yebo uzwa ku Dolopo lya Kansas. Ncibotu. Ko jokela, Jesu Kristo wakuponya. Aleluya! Kosyoma. Sena ula cisyoma a moyo wako woose?

<sup>161</sup> Ngooyu Angelo wa Mwami, kapepela aa mwanakazi oyu muniini—muniini, musyobo wa cipatipati sibuuuya, ulikkede moonya muno, uciswa herniya. Ula syoma nakuti Leza uyo ponya herniya oyo, mucizi? Yebo, ujisi kalubaluba kasalala mu ngowani yako, konyamuna janza lyako. Ncibotu. Koya ku ng'anda a kuba kabotu. Ameni. Oh, ngu Leza; ngu Kristo i Mwana wa Leza. Wa kabuka kuzwa ku bafu. Mpali ano.

<sup>162</sup> Lino, amubikke maanza anu ali umwi akupa buyo mupailo wa ciindi cibotu, umwi aumwi wanu, ku ciindi Ne lomba muntuumwi kuboola okuno. Koolo okuno, mukwesu. Kuciindi nomu bikkide maanza anu ali umwi aumwi kutondezya kuti Leza ula ponya akwalo, Ndili jisi mukwesu awa wakupa mupailo awalo. (Kozumanana. Ncibotu.) Alumbaizigwe Mwami Leza. 

*SENA ULA SYOMA OBU?* TNG60-0402

(Believest Thou This?)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Mujibelo, Mukubwekangala 2, 1960, ku Municipal Auditorium mu Tulsa, Oklahoma, U.S.A., wakagusigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)